

**CYNGOR CYMUNED YSTRAD FFLUR
COFNODION Y CYFARFOD MISOL RITHIOL
A GYNHALIWDYD AR NOS IAU 27/05/2021 AM 7.30pm (yn syth
ar derfyn y Cyfarfod Cyffredinol Blynnyddol)**

1. CROESO'R CADEIRYDD & MATERION PERSONOL

Croesawodd y Cadeirydd y Cyngh. Gareth Owen, holl yn bresennol, i'r Cyfarfod.

2. YN BRESENNOL

Y Gyngh. Angharad Jones (Dirprwy-Gadeirydd); Y Cyngh. Alun P. Jones; Y Gyngh. Clare Hughes; Cynghorydd Sirol Ifan Lloyd-Davies; Y Cyngh. Gareth Owen & Eleri Thomas (Clerc).
Laura Jones.

3. YMDDIHEURIADAU AM ABSENOLDEB

Ymddiheurodd Y Cyngh. John Jones; Y Gyngh. Mair Jones (heb fod yn gwneud defnydd o'r rhyngwrdd), y Cyngh. Non Jones, y Cyngh. Wil Lewis (heb fod yn gwneud defnydd o'r rhyngwrdd); y Cyngh. Doug Rowbotham a Swyddog Cymorth Cymunedol yr Heddlu John Evans am eu hanallu i fynychu'r cyfarfod.

4. MATERION YN YMWNEUD Â'R HEDDLU

Adroddodd Swyddog Cymorth Cymunedol yr Heddlu John Evans y canlynol, cyn y cyfarfod:

- **Ymddygiad Gwrthgymdeithasol / Aflonyddwch 2**
Adroddwyd 2 ddigwyddiad o fewn y categori hwn. Un adroddiad yn ymwneud ag anghydfod rhwng cymdogion ar Heol yr Abaty. Yr ail yn ardal Ffair Rhos, sef gyrrwr cerbyd yn gyrru'n rhy agos a chyflym heibio unigolyn a oedd yn tywys ceffyl.
- **Byrgleriaeth: 0**
- **Niwed Troseddol: 0**
- **Dwyn: 0**
- **Trais/Ymosodiad: 1**

Ar nos Sadwrn yr 8-05-2021: aflonyddwch yn y Teifi Inn, Ffair Rhos ac wrth geisio ei ddatrys anafwyd y trwyddedai ryw ychydig.

Hefyd, gwybodaeth atodedig am "Cuckooing" (camfanteisio ar bobl sy'n agored i niwed sy'n gysylltiedig â chyffuriau), ymgyrch ar gyfer mis Mai 2021

5. DATGAN DIDDORDEB

Dim wedi'i ddatgan.

6. CADARNHAU COFNODION CYFARFOD 15fed o Ebrill 2021

CYNIGIWDYD, EILIWDYD a PHENDERFYNNWDYD yn unfrydol bod cofnodion Cyfarfod y 15fed o Ebrill 2021, yn gywir arwahan i'r canlynol:

Cyf. Cofnod: 11.3 & 11.4 (Unrhyw Fater Arall) Gwybodaeth anghywir: i'w dileu.

Arwyddir y Cofnodion fel rhai cywir, gan y Cadeirydd y Cyngh. Gareth Owen, pan fydd amgylchiadau'n caniatáu.

7. MATERION YN CODI

- 7.1 **Cyn-adeilad: Eglwys Dewi Sant, Pontrhydfendigaid:** Adroddwyd bod adeilad yr Eglwys wedi'i werthu yn unol â gofynion y cytundeb. Cwblhawyd 80 o holiaduron a'u dychwelyd; bydd y Cadeirydd y Cynghorydd Gareth Owen yn coladu'r ymatebion ac yn llunio adroddiad ysgrifenedig i'w gylchredeg gerbron aelodau'r Cyngor Cymuned. Gellir casglu o'r ymatebion yr hyn sydd ei hangen o ran cyfleusterau'r pentref.
- 7.2 **Ffens ar gyfer y Parc:** Mae'r Gynghorwraig Clare Hughes yn ceisio ffynonellau cyllid.
- 7.3 **Archwiliad Blynnyddol Rospa, Ardal Chwarae Pantyfedwen:** trefnwyd ar gyfer Mehefin 2021. Y Gyng. Clare Hughes a'r Cadeirydd y Cyngh. Gareth Owen i glustnodi sylw i faterion sy'n codi o'r Adroddiad Rospa 2020. Laura Jones i gysylltu â'r Gyng. Clare Hughes parthed grantiau.
- 7.4 **Problem Tail Moch yng nghyffiniau Ffair Rhos:** adroddwyd at sylw Adran yr Amgylchedd, Cyngor Sir Ceredigion dan law'r Cynghorydd Sirol Ifan Lloyd Davies. Adroddwyd bod Swyddog y Cyngor Sir wedi ymweld â'r safle.
- 7.5 **Gatiau i gymryd lle camfeydd yn ardal Ffair Rhos:** adroddwyd bod Mr Haydn Lewis, Ceidwad Tramwy a Chefn Gwlad, Cyngor Sir Ceredigion wedi cyflawni ychydig o'r gwaith i gynnwys y gamfa a osodwyd yn flaenorol ar y llwybr cerdded syn rhedeg o Glasfryn i Ros Helyg.

8. GOHEBIAETH

- 8.1 **Sul y Cofio a'r Pabi Gwyn:** gohebiaeth oddi wrth unigolion o Aberystwyth yn gofyn i'r Cyngor Cymuned i ystyried gosod pabi gwyn ger y Gofgolofn rhyfel yn ystod y seremoni cofio flynyddol er mwyn dwyn i gof holl ddioddefwyr rhyfel ar draws y byd a dangos ymrwymiad tuag at Heddwch. ***Penderfynwyd gadael y drafodaeth ar y bwrdd tan y cyfarfod nesaf.***
- 8.2 **Dweud eich Dweud ar Asesiad o Anghenion Fferyllol 2021 Drafft: Bwrdd Iechyd Prifysgol Hywel Dda:** 7.05-6.07.2021. Crynodeb Ymgynghoriad: www.dweudeichdweud.biphdd.cymru.nhs.uk/asesiad-o-anghenion-fferyllol-2021 ***Penderfynwyd gadael y mater ar y bwrdd tan y cyfarfod nesaf.***
- 8.3 **Adeiladu dyfodol iachach yn dilyn COVID-19: Dweud eich dweud**

Mae Bwrdd Iechyd Prifysgol Hywel Dda yn gofyn i bobl Sir Gaerfyrddin, Ceredigion a Sir Benfro i helpu i lywio gwasanaethau'r dyfodol ymhellach, trwy gymryd rhan mewn ymarfer ymgysylltu dros gyfnod o chwe wythnos.

Ers cyhoeddi ei strategaeth, Canolbarth a Gorllewin Cymru Iachach: Cenedlaethau'r Dyfodol yn Byw'n Dda yn 2018, mae'r Bwrdd Iechyd wedi gweithio gyda phartneriaid i ddarparu gofal a datblygu gwasanaethau.

Fodd bynnag, mae pandemig coronafeirws wedi cael effaith mawr ar wasanaethau iechyd a gofal. O ganlyniad, mae'r Bwrdd Iechyd am ddysgu gan y cyhoedd sut mae'r pandemig wedi effeithio ar eu hiechyd a'u gofal, a'u mynediad at y gwasanaethau hyn.

Mae BIP Hywel Dda hefyd yn gofyn am adborth y cyhoedd mewn perthynas â'i strategaeth hirdymor i ddatblygu ac adeiladu ysbyty newydd yn ne ardal Hywel Dda, rhywle rhwng ac yn cynnwys Sanctlêr yn Sir Gaerfyrddin ac Arberth yn Sir Benfro. Dyma'r lleoliad mwyaf canolog i fwyafrif y boblogaeth yn ne ardal Hywel Dda, a phenderfynwyd arno trwy ymgynghoriad cyhoeddus a gynhaliwyd yn 2018.

Bydd yr ymarfer ymgysylltu yn para o ddydd Llun 10 Mai tan 21 Mehefin 2021.

Am wybodaeth bellach:

Ewch i: www.dweudeichdweud.biphdd.cymru.nhs.uk

Anfonwch ebost at: hyweldda.engagement@wales.nhs.uk;

Ffoniwch: 01554 899 056 (gadewch neges a bydd y GIG yn eich ffonio nôl fel nad oes yn rhaid i chi dalu am yr alwad)

8.4 Gohebiaeth Pellach: er gwybodaeth yn unig.

9. CYLLIDEB

- 9.1 Archwilio Cyfrifon 2021:** Gwybodaeth ynghylch Archwiliad Allanol Statudol. Rhaid i'r Swyddog Ariannol Cyfrifol ardystio'r Ffurflen Flynyddol a'r Cyngor i'w chymeradwyo erbyn y 30ain Mehefin 2021. Gellir dod o hyd i sefyllfa ariannol y Cyngor Cymuned @ 31.03.201 ar y safle ar y we: [Blwyddyn Ariannol – Fiscal Year 2019-2020: 2020-21 | Cyngor Cymuned – Ystrad Fflur – Community Council \(ccystradfflurcc.org.uk\)](#)
Bydd cyfrifon y Cyngor Cymuned ar gyfer y Flwyddyn Ariannol 2020-21 yn cael eu hanfon at yr Archwilydd Mewnol yn ystod yr wythnosau nesaf.

- 9.2 Ysgoloriaeth 2021:** i ystyried yn ystod y cyfarfod nesaf

10. CYNLLUNIO

Dim materion cynllunio i'w hystyried.

Daeth y cyfarfod i ben am pm.8.30pm

11. DYDDIAD Y CYFARFOD NESAF

Nos Iau 17eg o Fehefin 2021 @ 7pm Lleoliad: Llyfrgell Neuadd Pantyfedwen neu'n rithiol.

===== (Arwyddwyd / Dyddiad)